

西 15

9

醫學實驗

汪蓮石題



醫學實驗

雷廣楨題



乙丑春月
刊於上海



醫學實驗

長沙周聲溢蔭生著

記朱石臣遺後傷風治法

朱石臣暑月忽患頭痛身痛壯熱復微出冷汗神氣甚憊坐眠均不適切其脈六脈皆浮洪肺脈散心腎脈按之無神力余叩之是遺洩否曰然前夜遺兩次遂覺困憊益甚余又叩其夜眠是否閉戶曰未閉也乃知爲遺後傷風日間外出復爲暑氣所中耳生黃芪五錢扁豆皮五錢粉葛二錢雲苓四錢黃連八分一劑而霍然此病若投以解表之劑則氣散而危余

所見多矣遺後房後之傷風非黃芪不爲功蓋解表兼以固氣也

記李景廷肝脾兩滯病治法

李景廷自江南歸延余往診余往已困憊臥牀不能起坐其證頭痛頭昏遍體皆熱腹中氣脹特甚自胸以下至小腹皆然大便閉結小便黃亦頗進食不飢不飽口貪熱飲似渴而又不多飲肝氣極燥時欲怒聲嘶類失音面榮尙好惟眼匡下有滯象服藥不少更數醫矣余乃細審其脈兩尺尙好病在兩關左關遏鬱而不宣通右關模糊結成一團殆爲脈中怪象



右寸亦散此病乃初爲暑氣所傷復傷飲食生冷之
滯暑熱冷滯積而相合已傷脾矣必又大怒以傷肝
氣兩關兩傷必又誤投藥劑乃有此種脈象先用枳
實二錢吳茱萸二錢黃連二錢以吳茱萸散其結以
枳實導其滯以黃連清其熱此病甚可治惟進方須
有次第耳其家中張皇失措爲之預備後事矣余竊
笑而止之曰此病萬無死理也越日往診兩關脈較
微微通暢喉音較開朗證現口痛喉痛身左旁脹痛
小便赤而痛短而稀乃脾積鬱成壯火藏伏在內無
所發泄大便閉結兼以氣墜則肺氣不通之故也此

次暫用清輕之品雲茯苓三錢荷葉通莖十二寸桑
枝尖二錢蓮子心十五粒大蘇梗七寸以蓮心清心
熱以雲茯苓利小便使熱由小便通行以荷葉滌上
焦之濁氣以荷莖宣通脾氣以蘇梗助之以桑枝尖
條達肝氣使之宣暢此次立方蓋前所謂次第之道
也越日往診因服它醫方有車前子元胡索等又大
不適詢其果服余前方有無效驗則云服余方心中
稍好頗思飲食小便多而清余曰是有效矣何以又
服它醫之方也曰恐藥性太輕不能勝病現只求大
便一利耳余曰余前言不宜急是須有次第也曰自



此請君診七日決不雜延它醫矣余曰有七日之功則此病大轉機矣乃細審其脈兩尺仍好惟右尺稍弱兩寸極虛弱兩關雖稍通暢究各有滯濇之象余曰心爲肝子肝有鬱熱心自不甯脾爲肺母脾氣不通肺氣自弱大黃二錢龍胆草一錢五分其家謂久病體虛安能服此藥余曰加甘草二錢以緩之可矣猶不肯余曰先以人參二錢煎湯服之繼進此藥何如其家始允午前立方徘徊再四至五鐘始服藥十一鐘來報告大便已行惟大困不支如之何余令其再進人參湯而已次日往診言昨夜大便通利然大

汗不止身熱已退頗得善睡今晨不能食似氣上壅
心煩腹痛口痛喉痛均如前小便脹墜特甚大便色
黃而成條撥之則間有黑子余曰大汗者脾氣不通
上下隔絕少少費力便動汗汁小便脹墜者前日誤
服車前之所致大便色黃成條此仍數日內穀食所
化黑子則病積也行尙未盡也切其兩關之脈雖少
流利仍不明白胃氣稍壅肝脈仍鬱遏未暢達左尺
亦有鬱熱仍以消導爲主兼清鬱熱枳實二錢槐實
二錢百合二錢桑枝二錢生芍二錢雲茯苓四錢烏
藥八分越二日往診兩尺較更好左關通暢而流利

矣左尺微洪右寸亦微有神力右關則仍結浮部雖
通中部實有積滯未動右尺雖稍弱而神尙未衰口
痛喉痛腹痛仍如前小便墜痛而色紅余細思其病
仍是脾家積滯未動然暫不理專以通利小便爲主
擬定兩方人獲八分五味子五粒蒸汁一酒盅作二
服日中服盡又一方甘草梢二錢雲茯神五錢荷莖
七寸蓮心十粒桑枝二錢枯芩二錢用肉桂磨水浸
透去桂以芩同煎意欲化膀胱之氣也此方夜服越
日往診大便復行一次仍出汗疲困雖不如前次之
甚然已大費氣力心中不甚煩燥小便稍墜而色黃

脘下有氣結大如桂元按之則散脈則左三部甚通
暢關尺微洪右尺已復元關雖弱而滯已消動脘下
之氣乃肝氣也肝氣竄入脾經迄未歸復左關尺微
洪乃夜間未得善睡頗有渴陰之意今則扶脾暢肝
安神利水而已此病已大轉機矣天生白朮二錢雲
茯苓茯神各三錢桑枝四錢阿膠二錢生白芍三錢
外用甘草三錢半莖半梢五味子十粒煎湯夜渴則
飲自此越一日越二日一往診又更三四方積滯已
盡六脈流利惟現虛象投以白朮黨參雲茯苓熟地
黃女貞子桂枝白芍桑枝桑寄生枸杞菟絲棗仁志

肉蓮實大劑五家皆補漸漸復元然坐起則心中怦怦頭目昏眩如不能支余立一方牛肉四觔羊肉四觔蟹十隻十日食盡其家不肯以蟹進余曰蟹壯筋骨者水濱所豎之竹標蟹非黃足不能上標取蟹者俟其上標而後取之非壯筋骨而何此時專恃草木尙難爲功不能不借血肉之品以補之矣食盡後便行步自如無一毫病狀矣此病爲余診病之第一處煞費經營數十日而後痊若醫逕稍熟決不至如此之費力矣其時幸其從弟佛翼在家堅持延請否亦不能竟奏奇功也景廷病時適值予內兄但芷谷自



山東德州差歸攜帶阿井水景廷之熱係吃阿井水以退之此種藥品可奏奇效惜乎其不能長有也

記廖福田越陽證治法

廖福田徹夜不眠胸前發熱甚熾口渴異常一夜可盡涼水兩桶六脈沈遲乃陽不歸根陽氣上越之證急宜納陽白朮六錢茯苓六錢本附片四錢人尿一盅兌服恐朮附燥其肺胃乃用偷關之法此證若用涼藥一劑而斃矣其人不肯服人尿以童便代之一劑而愈

記杜興初盜汗治法



杜興初腹脹如鼓晨起則消每夜必盜汗一次醫者以消脹斂汗藥投之右脈現濡象濕氣彌滿已達極處余曰幸得夜汗若無汗則肢體皆腫矣腹脹乃濕氣過甚故得汗則消扶脾利濕汗證自愈以苓朮煎湯服之三日而汗止夜腫亦消矣

記歇至三證兼論歇至須察其發於何家

家景千兄向患氣短痰多遍身痰核時復作痛六脈歇至醫者以五積散投之商之於余余乃細察其脈幸無定至微察右寸右關交關之處氣時時作壅乃恍然大悟其因余曰君飲酒食飯無一不急脾不能

急受又欲上輸氣於肺掉運不及不得不停脾脈既
停六脈皆停強服葠耆專責在肺肺不任咎壅而上
行百病叢生矣仍大扶脾氣爲主脾氣王而痰自行
矣以六君子去葠加附重劑以葛花神曲佐之數劑
而脈不歇矣此歇至之起於脾家也余師杜鈍叟先
生脈亦歇至切其脈右寸壅闕不通百脈朝肺肺壅
而歇各脈皆歇矣本有痰嗽之病以法夏麻黃通肺
氣行痰氣二劑而脈不歇至矣此歇至之起於肺家
也但子彬向無大病亦向不服藥五六月之交索余
診視余切其六脈皆沈遲以葠耆投之越數日脈如

故而心脈大散急以養心湯加減服之亦稍愈忽一日脈歇至幸無定至或一至一歇或三五至亦歇或十至一歇六脈均無神力問其證則心中皇皇夜眠不穩亦不思食余曰病雖不重而脈象類脫乃陽氣沈陷之故乃以複耆大劑投之又一日來六脈皆不現按之歷久而渺然也余曰此內經所謂尸行者也過七日而不見證再歷七日而僵此極危也乃急起其脈蜜黃耆八錢白朮黨複當歸各四錢高麗複麥冬各二錢五味子七分服半劑而脈微至乃將原方加重並加遠志棗仁龍眼蓮肉二劑而脈起則仍歇



至撤去遠志棗仁加枸杞菟絲各二錢杜仲續斷各一錢五分熟地黄三錢五劑而歇至全愈越十餘日而脈仍歇至細思其故問曰君亦偶爾忍精乎曰然余曰腎氣遏抑不通腎爲諸脈之根一歇則六脈皆歇專補腎氣必無當也法以行氣之藥製補腎之藥使腎氣借此流通耳白朮茯苓各五錢桑枝四錢菟絲枸杞各四錢又鹽水童便浸透香附復以香附與杞絲拌炒透去香附入煎數帖而歇至漸好越月而全愈余曰藥祇能如此仍視乎君之自衛耳此歇至之起於腎家也大凡歇至之脈強補無益察其脈象

